

hispidi. Flores magnitudine et colore praecedentis: calycibus glabris. Haberem pro *S.* foliis lanceolatis sessilibus denticulatis caulibus hispidis *Gmel. sib. 2. p. 12. n. 12. t. 4. f. 1*, nisi calyces essent glabri.

1584. *SONCHUS prenanthoides.*

*S.* pedunculis squamatis viscosis, calycibus glabris, racemo terminali composito elongato, foliis ovato-oblongis basi lyrato-runcinatis attenuatis.

Habitat in Caucasi sylvis altioribus. Floret Julio, Augusto. ♀

*Caulis* simplicissimus bipedalis sulcatus villosus. *Folia* magna lata denticulata non acuminata basi runcinata: inferiora sublyrata in petiolum marginatum denticulatum attenuata. *Panicula* terminalis racemosa composita conferta elongata viscida. *Flores* magnitudine *Prenanthis* purpureae: *corollulis* coeruleis.

394. *LACTUCA*. Receptaculum nudum. Calyx imbricatus, cylindricus: margine membranaceo. Pappus simplex, stipitatus. Semina laenia.

1585. *LACTUCA altissima.*

*L.* foliis denticulatis glabris: imis sinuatis, superioribus lanceolatis sagittatis acuminatis, paniculâ ramosissimâ subcorymbosâ.

Habitat ad rivulorum margines, prope Caucasi acidulam Narzana. Floret aestate.

*Planta* glabra orgyalis et ultra: *ramis* floriferis plurimis paniculatis subcorymbosis. *Folia* pleraque indivisa lanceolato-sagittata exquisite acuminata denticulata. *Flores* magnitudine *L. sativae*: *corollulis* luteis. *Semina* nigra. A *L.* sagittatâ differt *foliorum* denticulis majoribus et lobis baseos multo longioribus